

Sámi Siida rs.

SÁMI SIIDDA DOAIBMAČILGEHUS 2005

0. Oppalohkái

Sámi Siida lea joatkán Ohcejoga guovllu sámiid sosiálalaš, vuoigatvuodalaš, kultuvralaš ja almmolaš ekonomálaš vuoigatvuodaid ovddidanbarggu nugo njuolggadusat geatnegahttet.

Maiddái oktasašbargu rastá riikkaid rájá lea gullan searvvi bargui.

Dáid ulbmiliid ollašuhhtimii searvi leamaš mielde ealáhusvuoigatvuodalaš Deanu seminára ordnemis, lea fuolahan sohka buolvvaid oktavuodain ja ordnen doaimmaid mánáide ja nuoraide. Čearddalaš iešdovddu olis searvi lea ordnen álbmotbeaivvi doaluid Ohcejohkii ovttas Sirpmá giliservviin. Searvi addán cealkámušaid áiggeguovdilis áššiin ja joatkán servviid oktasašbarggu ovddidemiin. Searvvi doaimmat leat ožžon sámi medias ollu positiivalaš beroštumi.

1. Sáme guovllu ovttasbarggu fierpmádat

Searvi lea fidnen ruhtadeami sameguovllu ovttasbarggu fierpmádahkii jahkái 2004. Searvi ozai ja fidnii Sámedikki kulturlávdegottis lobi čadahit proševtta jagis 2005. Sámeservviid gaskašas deaivvadeapmi ordnejuvvui skábmadoaluid oktavuodas Ohcejogas 6.11.2005. Proševtta olis leat čohkkejuvvon Deanuleagi servviid oktavuodadieđut ja dat leat gávdnamis Sámi Siidda ruoktosiidduin čujuhusas www.samisiida.org

2. Álbmotbeaidoalut

Sámiid álbmotbeaivi 6.2.2005 ordnejuvvui ovttas Sirpmá giliservviin Ohcejogas. Beaivái gulai kulturprográmma ja sámi mállásat. Searvi lea lágidan doaluid ovttas Sirpmá giliservviin ja dat leat vuoruid mielde ordnejuvvon Ohcejotnjálmme ja Sirpmás. Jagis 2005 lei Sámi Siidda vuorru doaibmat doaluid praktihkalaš lágideaddjin.

3. Valástallan

Sámi Siida álggahii dolgespábbaspealuid doallama Ohcejoga valástallansáles. Searvvis lea oktii vahkus várrejuvvon sálevuorru lávvardagaid d. 17.00-19.00. Oasseváldit leamašan váhkkosaččat 4-10 olbmo. Oassálastiid ahkejuohku leamašan njealjje jahkásaččas gitta 70 jahkásažžii.

4. Vuogojávrrri meahccemátki

Searvi lágidii meahccemátki Vuogojávrrái. 3-4 beaivviid čakčamánuš Doppe idjaduvvui okta idja guovtti gámpás. Mátkis oahpásmuvvui guovllu dološ eallimii ja dálá luonddu dillái. Samuli Aikio doalai guokte logaldallama dološ eallima birra ja Birit Vuolab logaldagai guobbariid birra. Oassálastit ledje 13 nuorat ja rávvásut olbmo.

5. Gávttiin gárvodeapmi

Searvi lea rahkadahtán oanehis, 15 min guhkkosaš filmma gávttiin gárvodeami birra. Filmma lea govven Inger Mari Aikio joavkkuin, áššedovdin leamaš Kirsti Paadar la neavttárin golbma Ohcejohkalaš nuora ja sin vanhema. Filmma lea oavvilduvvon oahpahušfilbman muhto dan lea muđuidege oalle suohtas oaidnit. Filmma vuosttaseahket lea Anáris filbmafestiválas ođđajagimánuš 2006.

6. Skábmadoalut

Searvi lágidii 6.11.2005 skábmadoaluid Ohcejogas searvalagai Ovttas proševttain. Prográmmafálaldahkan ledje govvačájáhusat digitála hámis, musihkkas fuolahii Sverre Porsanger, guokte oanehis, Sirpmá ja Ohcejoga mánáid buvttadan filmma, suohtastallan mánáide vuojadansáles ja sámemállásat. Guossit ledje sullii čuođi.

7. Giellabargojoavku

Searvi vuodđudii giellabargojoavkku juovlamánus 2004, man bargun lea gielladiliid goziheapmi Ohcejogas. Bargojovkui namuhuvvojedje Ellen Ravna (ságajodiheaddji), Veikko A. Holmberg ja Niilo Vuomajoki. Joavkku plánen giellaseminára dollojuvvui Ohcejoga gielddadálus 17.5.2005. Sáhkavuoruid doppe dolle giellaáššedovdi Luobbal Jovsset Esko ja Ohcejoga gielddahoavda Viljo Pesonen. Oasseváldit sáhte jearrat dálá gielladili birra jearaldagaid. Seminára birra lei Sámi TV rahkadan ođđasa.

8. Sohka buolvvaid oktavuoha

Sohka buolvvaid oktavuoha ollašuvai lunddolaččat buot doaluid ordnema oktavuodas.

9. Sáme gielat sáddagat TV:s

Searvi oassálasttii juovlamánus Helssega sáttajovkui ovttá seará sámiservviiguin, mii gáibidii YLE searvat davviriikalaš sáme gielat mánáid TV sáttagiid buvttadeapmái. YLE lei alggos vuos beahttan dan barggus muhto lohpidii giehtadallat ášši ođđasit.

10. Hálddahus

Jahkečoahkkinn dollui 8.4.2004 Ohcejogas. Mielde ledje čieža lahttu. Stivračoahkkimat leat dollojuvvon 11 geardde. Jahkečoahkkinn válljii stivrii dáid olbmuid: Jouni S. Laiti, ságajodiheaddji, Birit Vuolab, várreságajodiheaddji, Esko Aikio, Tauno Rasmus ja Maarit K. Länsman. Várrelahttut: Veikko A. Holmberg, Nils Länsman, Niilo Vuomajoki, Helena Guttorm ja Marketta Vuolab.

Rehketdoalodárkkisteaddjin válljejuvvui Jorma Holmberg ja várreolmmožin Aslak Järvensivu.

Searvvi ovddasteaddjit válde oasi Sámi guovddášsearvvi jáhkečoahkkimii Heahtás.

Sámi Siida ro bealis

Jouni S. Laiti, ságajodiheaddji jagis 2005